

四庫全書

史部

欽定四庫全書

史部

欽定續文獻通考卷八十三
四

給事中_臣陳化龍覆勘

總校官內閣中書_臣孫溶

欽定四庫全書

欽定續文獻通考卷八十三

宗廟考

禘祫

臣等謹按馬端臨考禘祫之禮始於春秋迄於宋

紹熙五年閏十月建別廟詔

時寧宗已即位詔建別廟遷僖順翼宣四

帝神主太廟以太祖正東嚮之位孟冬祫享

先詣四帝廟室行禮次詣太廟逐帷行禮

今考

宋史禮志復載慶元時事仍錄之

宋寧宗慶元二年十月祫享太廟

是年四月禮部太常言已於太廟之西別建僖祖廟
及告遷僖順翼宣帝后神主詣僖祖廟奉安所有今
年孟冬祫享先詣四祖廟室行禮次詣太廟逐幄次
行禮

臣等謹按禮臣所言蓋以前已有詔至是別廟成
而請遵行之也若禮志又載理宗紹定四年九月
事及太常少卿度正所奏則已見於天子宗廟門

矣

遼

臣等謹按遼史無禘祫事可見

金世宗大定三年八月定祫享犧牲品物

有司言按唐開元禮宋開寶禮每室犢一羊一豕一
五禮新儀每室復加魚十有五尾天德貞元則與唐
宋同有司行事則不用太牢七祀功臣羊各二酒共
二百一十瓶正隆減定通用犢一兩室共用羊一豕

一酒百瓶此於禮有闕今七祀功臣牲酒請依天德
制宗廟每室則用宋制加魚然每室一犢後恐太豐
帝命每祭共用一犢羊豕如舊又以九月五日祫享
當用鹿肉五十斤獐肉三十五斤兔十四頭為醬醢
以貞元正隆時方禁獵皆以羊代此禮殊為未備詔
從古制

九年十月以將行大享詔宗廟之祭以鹿代牛著為令
十年正月命親祀祭廟牲用犢

詔宰臣曰古禮殺牛以祭後世有更者否其檢討典
故以聞有司謂自周以來逮唐宋祫享時無不用牛
者唐開元禮時享每室各用太牢一至天寶六年始
減牛數太廟每享用一犢宋政和五禮新儀時享太
廟親祀用牛有司行事則不用宋開寶二年詔昊天
上帝皇地祇用犢餘大祀皆以羊豕代之合二羊五
豕足代一犢今三年一祫乃為親祀其禮至重每室
一則共用一犢有司行事則不用

臣等謹按魏子平傳帝問宰臣曰祭宗廟用牛牛盡力稼穡有功於人殺之何如叅知政事魏子平對曰惟天地宗廟用之所以異大祀之禮也後又欲以他牲易之叅政程輝奏曰凡祭用牛者以牲之最重故號太牢古禮不可廢也今以禮志考之九年方以鹿代牛十年又詔檢討故典十二年裕享以攝官行事詔共用三犢蓋世宗欲祭不用牛宰臣持之故屢有咨議耳

十一年定禘祫五年三年冬夏之制

尚書省奏禘祫之儀曰禮緯三年一祫五年一禘唐
開元中太常議禘祫之禮皆為殷祭祫為合食祖廟
禘為禘序尊卑申先君逮下之慈成羣嗣奉先之孝
自異常享祭不欲數數則黷不欲疎疎則怠是以王
者法諸天道以制祀典烝嘗象時禘祫象閏五歲再
閏天道大成宗廟法之再為殷祭自周以後並用此
禮自大定九年已行祫禮若議禘祭當於祫後十八

月孟夏行禮詔以三年冬祫五年夏禘為常禮享日
並出神主前廊序列昭穆應圖功臣配享廟庭各配
所事之廟以位次為序以太子為亞獻親王為終獻
或並用親王或以太尉為亞獻光祿卿為終獻其月
則停時享

十九年四月禘祭昭德皇后廟不用犢二十二年十月
詔祫禘共用三犢有司行事則以鹿代

臣等謹按禮志章宗明昌三年十二月尚書省奏

明年親禘室當用犢一鉞懷皇后祔於明德之廟
請如大定三年祫享昭德皇后室未嘗用犢勅欽
懷皇后用之今考昭德皇后亦稱明德蓋緣章宗
時避太祖諱故改明德也

章宗明昌四年四月親禘於太廟

先是大定二十九年帝即位禮官言二十七年十月
祫祭至今年正月世宗升遐故四月不行禘禮按公
羊傳閔公二年吉禘於莊公言吉者未可以吉謂未

三年也注謂禘祫從先君數朝聘從今君數三年喪畢遇禘則禘遇祫則祫故事宜於辛亥歲為大祥三月禫祭踰月即吉則四月一日為初吉適當孟夏禘祭之時可為親祀詔可及期以孝懿皇后喪而止五月禮官言世宗升祔已三年尚未合食於祖宗若來冬遂行祫禮皇帝見居心喪喪中之吉春秋譏其速恐冬祫未可行然周禮王有哀慘則春官攝事竊以世宗及孝懿皇后升祔以來未曾躬謁豈可令有司

先攝事哉况前代令攝事者止施於常事今乞依故事三年喪畢祫則祫禘則禘於明昌四年四月一日釋心喪行禘禮從之

臣等謹按王圻續通考載泰和六年四月禘於太廟今考禮志是年帝欲親行祫享命有司計其役費尚書省奏當用仗三千五百人錢百餘貫馬八百六十五匹今軍旅方興官馬不可借用民亦不可重擾宜令有司攝事詔再議之考之帝紀不載

六年四月禘祀蓋其時不果行也

宣宗貞祐二年正月命權止今年禘享朝獻原廟

以元兵不息從有司請也

哀宗正大三年四月親享於太廟

金史后妃傳曰哀宗釋服將禘饗太廟先期有司
奏冕服成帝請仁聖慈聖兩宮太后御內殿因試
衣之以見兩宮大悅帝更便服奉觴為兩宮壽仁
聖太后諭曰祖宗初取天下甚不易何時使四方

承平百姓安樂天子服此法服於中都祖廟行禘
饗乎帝曰阿婆有此意臣亦何嘗忘慈聖太后亦
曰恒有此心則見此當有期矣遂酌酒為帝壽歡
然而罷

海陵禘祭一

天德二年二月禘

世宗禘禘七

大定三年十月甲子禘
十一年十月己未禘

九年十月丙午禘
十四年四月戊辰禘

十七年十月己卯禘 二十二年十月庚戌禘
二十七年十月庚辰禘

臣等謹按帝紀十一年十四年十七年皆皇太子

攝其事

章宗禘祫五

明昌四年四月戊申禘 承安元年十月丙辰禘
泰和元年十月乙酉禘 三年四月乙巳禘
八年四月戊申禘

宣宗禘祫二

興定四年四月戊辰禘 元光二年十月己卯禘

哀宗禘祭一

正大三年四月辛卯禘

臣等謹按宗廟之禮金沿宋制五年一禘三年一祫時享於太廟朝獻於衍慶宮有事南郊則先期朝享典禮綦脩天德以前事由草創禮多間濶大定明昌制度寔備而兩朝朝享史僅一見禘祫亦間行之良以法駕鹵簿貲費既多裸薦登降儀節實繁雖全盛之際亦不克數舉惟衍慶朝獻春秋

必親其禮殺矣至貞祐以後國家多故又無暇及焉然一代之祭朝享而外獨隆禘祫視宋之僅以卜郊而見者此為得之矣

元

臣等謹按元史禘祫事無可見者

明太祖洪武元年四月祫饗太廟

時定春特享於各廟餘三時及歲除合祭於德祖廟
德祖考妣居中南向懿祖考妣東第一位西向熙祖

考妣西第一位東向仁祖考妣東第二位西向其後
復定孟春擇上旬吉日夏秋冬俱用朔日歲暮用除
日俱行合享之禮

明史禮志曰洪武七年御史答祿與權言受命七
年禘祭未舉宜參酌古今成一代之典詔下禮部
太常司翰林院議以為虞夏商周世系明白故禘
禮可行漢唐以來莫能明其始祖所自出當時所
謂禘祭不過合已祧之祖而祭之乃古之大祫非

禘也宋神宗嘗曰禘者所以審諦祖之所自出是
莫知祖之所自出禘禮不可行也今國家追尊四
廟而始祖所自出者未有所考則禘難遽行帝是
其議

臣等謹按會典成化二十三年憲宗將升祔而九
室已備乃祧懿祖附載於此

孝宗弘治元年始即歲除日行祫祭禮

奉祧廟懿祖神座於正殿左居熙祖上

世宗嘉靖十年正月定大禋禮四月禘於太廟

時帝問大學士張璁以禘禋之義因諭禋有時禋大
禋今歲暮之際擬諸大禋固似其實未可比也以大
禋而兼節日之祭禋義反輕非所以尊孝祖宗之意
是不可以不別乃命祫德祖正太祖南向之位每歲
孟春特享自太宗而下各居一幄同日行禮夏秋冬
三享仍於太祖之室相向行時禋禮如今之制季冬
中甸擇吉以歲事告終行大禋禮以德祖居尊及懿

熙仁三祖合享於太廟先期告祭以歲除為節祭歸之奉先殿又今張璠以禘祫義與夏言議言獻禘義一篇大義謂自漢以下譜牒難考欲如虞夏之禘黃帝商周之禘帝嚳不能盡合謹推明古典采酌先儒精微之論宜為虛位以俟帝深然之會中允廖道南謂朱氏為顓頊裔請以太祖實錄為據禘顓頊遂詔禮部以言道南二疏會官詳議諸臣咸謂稱虛位者茫昧無據尊顓頊者世遠難稽廟制既定高皇帝始

祖之位當禘德祖為正帝意主虛位今再議而言復
疏論禘德祖有四可疑且今所定太祖為太廟中之
始祖非王者立始祖廟之始祖帝併下其章諸臣乃
請設虛位以禘皇初祖南向奉太祖配西向禮臣因
言大祫既歲舉大禘請三歲一行庶疏數適宜帝自
為文告皇祖定丙辛歲一行敕禮部具儀擇日四月
禮部上大禘儀注前期告廟致齋三日備香帛牲醴
如時享儀錦衣衛設儀衛中書官書皇初祖帝神牌

位於太廟太常卿奉皇初祖神牌太祖神位於太廟
正殿安設如圖儀至日禮加大祀圜丘儀

禮志是時議祧德祖罷歲除祭以冬季中旬大禘
太常寺設德祖神位於太廟正中南向懿祖而下
以次東西向十五年復定廟饗制立春犴享各出
主於殿立夏立秋立冬出太祖成祖七宗主饗太
祖殿為時禘季冬中旬卜日出四祖及太祖成祖
七宗主饗太祖殿為大禘祭畢各歸主於其寢

世宗實錄十五年再舉大禘禮臣以太廟修飾未完請仍書皇初祖神牌於文華殿奉請太祖神主於內殿至太廟行禮畢仍奉太祖神主歸內殿帝命神牌即太廟寫之餘如舊儀二十四年罷

十七年定大禘祝文

九廟帝后謚號俱全書時禘止書某祖某宗某皇帝更定季冬大禘日奉德懿熙仁及太祖異室皆南向成祖西向北上仁宗以下七宗東西相向禮三獻樂

六奏舞八佾皇帝獻德祖帝后大臣十二人分獻諸
帝內臣十二人分獻諸后

二十年十一月禮官議歲暮大祫當陳祧主而景神殿
監請暫祭四祖於後寢用連几陳籩豆以便周旋詔可
二十二年定時享大祫罷出主上香奠獻等儀臨期
奉衣冠出納太常及神宮監官奉行二十四年罷季

冬中旬大祫並罷告祭仍以歲除日行大祫禮同時享

二十八年復告祭儀四十五年

穆宗即位

大祫時享遣

官攝事

禮部以服制未除請遵弘治十八年例歲暮大禘孟春時享皆遣官攝之樂設而不作帝即喪

次致齋陪祀官亦在二十七日之內宜令暫免從之

臣

等謹按明史禮志禘祫之禮訖於穆宗即位之

初是後無可見者蓋自神宗以攝祭為常槩不親饗熹宗愍帝時事日非未有及於禘祫之大典者矣

欽定續文獻通考卷八十三

欽定四庫全書

欽定續文獻通考卷八十四

宗廟考

功臣配享

宋理宗寶慶二年三月詔太常寺建功臣閣以昭勲崇德為名 端平二年八月以太師趙汝愚配享寧宗廟庭仍圖像於昭勲崇德之閣

吳自牧夢梁錄曰太常寺有昭勲崇德閣繪像文

武功勳大臣有忠獻趙韓王普以下二十四人於其上

遼太祖初詔以耶律塔雅克配享廟庭

約尼時塔雅克為北邊伊喇簡獻皇后與諸子之罹難也嘗倚之以免帝思其功不忘又嘉其孫允之忠故有是命

聖宗統和二十九年詔建贈尚書令大丞相魯國王耶律隆運廟於乾陵側

臣等謹按王圻續通考謂此與同堂配享不同然在乾陵側亦有配享意故附於此又隆運建廟乾陵事見本傳而無年月考聖宗紀隆運卒于統和二十九年十月則建廟當即是本年事也

興宗景福元年七月詔寫北府宰相蕭孝先南府宰相蕭孝穆像於御容殿

時詔寫聖宗御容帝謁見哀慟久之因詔寫二臣像於殿側

重熙二十一年八月詔以太尉烏哲配享聖宗廟

臣等謹按遼史功臣配享僅如上道宗及天祚帝兩朝無可見者

金世宗大定八年十月命圖畫功臣於太祖廟其未立牌者立之十四年十月朔詔圖畫功臣於衍慶宮聖武殿之左右廡

初帝思太祖太宗創業艱難求當世羣臣勲業最著者圖像於衍慶宮遼王舍音金源郡王薩哈遼王宗

幹秦王宗翰宋王宗望梁王宗弼金源郡王希卜蘇
金源郡王幹魯金源郡王希尹金源郡王羅索楚王
宗雄魯王棟摩金源郡王尼楚赫隨國公阿里罕金
源郡王完顏忠豫國公普嘉努金源郡王薩里罕袞
國公劉彥宗特進烏楞古特進實實凡二十人 十
一年十月帝謂宰相曰衍慶宮圖畫功臣已命增為
二十人如丞相韓企先自本朝興國以來憲章法度
多出其手至於闕決大政但與大臣謀議終不使外

人知覺漢人宰相前後無比若褒顯之亦足示勸於是增為二十一人後又念罕都死康宗時不及馳騖遼宋之郊然異姓之臣莫先焉乃又定亞次功臣代國公罕都金源郡王實圖美徐國公琿楚鄭國公們圖琿濮國公實古納濟國公芬徹韓國公錫默阿里元帥左監軍巴爾斯魯國公富察實嘉努銀青光祿大夫蒙古隨國公和尼特進托克索齊國公博勒和開府儀同三司烏雅富琿琿儀同三司阿里布鎮國

上將軍烏凌阿泰欲太師領三省事勗太傅大吳大興尹持嘉暉金吾衛上將軍耶律馬武驃騎衛上將軍韓常譚國公阿里布凡二十二人悉圖像衍慶宮至十五年金源郡王赫舍哩志寧赫舍哩良弼亦圖像衍慶宮

臣等謹按罕都以下二十二人圖像衍慶宮見阿里布傳其中惟罕都配享世祖餘皆不與焉

章宗明昌四年三月定配享功臣

先是海陵天德二年二月太廟祫享有司擬上配享

功臣詔以薩哈希卜蘇舍音杲幹魯鄂斯歡忠東向

配太祖位以尼堪宗翰幹里雅布宗望揀摩羅索尼

楚赫西向配太祖位世宗大定三年十月祫享又以

舍音幹魯薩哈希卜蘇

志訛作實

鄂斯歡配享太祖宗

望揀摩宗翰羅索尼楚赫配享太宗其後次序屢有

更易八年命圖畫功臣於太祖廟有司第祖宗佐命

之臣勲績之大小官資之崇卑以次上聞乃定左廡

開府金源郡王薩哈皇伯太師右副元帥宋王宗望

開府金源郡王幹魯皇伯太師梁王宗弼開府金源

郡王羅索皇叔祖元帥左都監魯王棟庠開府隨國

公阿里罕儀同三司充國公劉彥宗右丞相齊國簡

懿公韓企先特進宗人實實

志訛作
希卜蘇

右廡太師秦王

宗翰皇叔祖遼王杲開府金源郡王希卜蘇

志訛作
實實

開府金源郡王完顏希尹太傅楚王宗雄開府前燕

京留守金源郡王完顏尼楚赫開府金源郡王完顏

忠金源郡王完顏薩里罕特進宗人烏楞古右丞相

金源郡王赫舍哩志寧十六年左廡遷梁王宗弼於

幹魯上十八年黜實實

志訛作希卜蘇

而次普嘉努於阿里

罕下二十二年增皇伯太師遼王宗翰而以舍音薩

哈首左右廡宗翰宗望次之其下以次列至是

年次序始定東廊分配十三人遼智烈王舍音杲太

師遼忠烈王宗幹鄂博

以上二人分配太祖

太師右副元帥宋

桓肅王鄂勒博宗望

分配太宗

開府儀同三司金源郡毅

武王希卜蘇開府儀同三司金源郡貞憲王完顏古

紳希尹太傅楚威敏王摩羅歡宗雄

以上三人
分配太祖

開府

儀同三司燕京留守金源郡襄武王完顏尼楚赫

始配

太宗改
配太祖

開府儀同三司金源郡明毅王完顏忠鄂斯

歡

分配
太祖

金源郡莊襄王杲薩里罕

分配
太宗

特進莊翼宗

人烏楞古特進威敬完顏實實

以上二人
分配太祖

太師尚書

令溜忠烈王圖克坦克寧太師尚書令南陽郡文康

王張浩

以上二人
分配世宗

西廊分配十八人開府儀同三司

金源郡忠毅王薩哈太師秦桓忠王尼堪宗翰

以上二人

分配太祖

太師梁忠烈王恩楚宗弼

分配太宗

開府儀同三司

金源郡剛烈王幹魯

分配太祖

開府儀同三司金源郡莊

義王完顏羅索

分配太宗

元帥左都監魯莊明王棟摩開

府儀同三司隨國剛憲公阿里罕開府儀同三司豫

國襄毅公普嘉努昱

以上三人分配太祖

開府儀同三司充國

英敏公劉彥宗右丞相齊國簡懿公韓企光

以上三人分配

太宗太保尚書令廣平郡襄簡王季石開府儀同三司

右丞相金源郡武定王赫舍哩志寧開府儀同三司
左丞相沂國公布薩忠義儀同三司右丞相崇國公
赫舍哩良弼右丞相莘國公石琚右丞相申國公唐
古安禮開府儀同三司平章政事圖克坦喀齊喀參
知政事叙

以上八人俱
分配世宗

以上每一朝為一列著為令

臣等謹按禮志二十二年增皇伯太師遼王舍音
薩哈宗幹宗翰宗望云云考原文似有二悞舍音

雖封遼王實為世宗之皇叔祖不得曰皇伯太師
又舍音即果與薩哈宗翰宗望已經配饗不得曰
增細詳文義是年之增入者宗幹也故稱皇伯大
師至明昌四年次序當是以薩哈首左廡升舍音
於宗翰上首右廡宗幹次薩哈宗翰次舍音宗望
又次宗幹序次始明又按史希卜蘇昭祖之孫大
定三年追封金源郡王謚忠毅實實圖美子扎
蘭路完顏部人熙宗間贈特進大定間謚威敏圖

像衍慶宮二十一人備載實寶傳中姓名甚詳禮志配享功臣二人姓名互異今具正之

五年閏十月配享世祖廟庭增五人

以儀同三司代國公罕都銀青光祿大夫伊克特進和卓開府儀同三司博諾儀同三司巴達配享

臣等謹按列傳是年圖克坦克寧圖像衍慶宮泰和元年張浩布薩忠義石碣亦如之附錄於此

衛紹王大安元年配享章宗庭二人

以司空左丞相南陽郡武昭王襄儀同三司壽國丈
貞公張萬公配享

元好問集是年萬公又圖像衍慶宮

哀宗正大三年配享宣宗廟庭三人

以開府儀同三司太尉尚書令廣平郡忠肅王完顏
福興左丞相延安郡忠正王布薩端尚書右丞壽國
公高汝亨配享

時宣宗廟成將禘祭議配享功臣論者紛紜尚書右

丞相完顏薩布為大禮使因言丞相福興死王事齊
錦謹守河南以迎大駕功宜配享議遂定
齊錦即既布薩端
又以高汝亨繼之

元

臣等謹按元史祭祀志載世祖至元三年十月太
廟成丞相安圖巴延言祖宗世數尊謚廟號配享
功臣等事皆宜以時定乃命平章政事趙璧等集
議僅製尊謚廟號餘事皆不行英宗初博士又言

冬祭即烝也天子親裸太室功臣宜配享事亦弗果行終元之代遂無功臣配享之制

明洪武二年正月享太廟以功臣配享

廖永安俞通海張德勝桑世傑

耿再成胡大海趙德勝

三年三月享太廟配享增一人

常遇春

四年四月定太廟合祭功臣配享

初功臣配享命設布幃列位廟廷既而分祀兩廡罷幃設之次帝諭中書省曰太廟之祭以功臣配列廡間朕意合祭之時祖宗之神具在使功臣故舊之歿

者得少依神靈以同享祀不獨朝廷宗廟盛典亦以
寓朕不忘功臣之意於是禮官議凡合祭時廟中奉
祖考神位旁設黃布幄於兩壁以享親王及功臣令
大臣分獻制可已而命去布幄

九年新太廟成以功臣配享

時共十二人

徐達常遇春李文忠鄧愈湯和沐英俞通海張德勝胡大海趙德勝耿再成桑

世傑配於西廡

羅廖永安配享

至建文時禮部侍郎宋禮言功

臣自有雞籠山廟請罷太廟配享帝以先帝所定不

從且令候太廟享畢別遣官即其廟祭之

臣等謹按實錄太廟甲辰歲四月以鄱陽湖戰將
臣効忠死敵命中書省議祀典樞密院同知丁普
郎樞密院判張志雄左副指揮使韓成統軍元帥
宋貴陳兆先左副元帥余昶昌文貴右副元帥王
勝李信陳弼劉義徐公輔同知元帥李志高元帥
李志元帥副使王咬住千戶姜潤石明王德朱鼎
王清常德勝王鳳顯丁宇王仁汪澤王理陳冲裴

軫王喜仙袁華史德勝鎮撫常惟德曹信逸德山
都尉鄭興羅世榮等三十五人各封贈勲爵有差
建忠臣廟於康郎山設像其中令有司歲時祭之
時又建忠臣祠於江西南昌府祀平章趙德勝樞
密判官李繼先左副指揮使劉齊統軍元帥許珪
右副元帥趙國昭同知元帥朱潛元帥副使牛海
龍千戶張子明張德山百戶徐明搃管夏茂成江
西省都事葉思誠洪都知府葉琛臨江府同知趙

天麟凡十四人又立廟祀守處州樞密院判耿再成都事孫炎又張士誠攻長興州守將劉成戰死至是贈懷遠大將軍立廟祀之洪武二年正月敕中書省曰朕倡義臨濠十有六載始克混一每念諸將相從捐軀戮力開拓疆宇有共事而不覩其成建功而未食其報追思功勞痛切朕懷其命有司立功臣廟於雞籠山於是論次功臣二十有一人死者塑像生者虛其位正殿中山武寧王徐達

開平忠武王常遇春岐陽武靖王李文忠寧河武
順王鄧愈東甌襄武王湯和黔寧昭靖王沐英羊
二豕二西序越國武莊公胡大海梁國公趙德勝
巢國武莊公華高號國忠烈公俞通海江國襄烈
公吳良安國忠烈公曹良臣黔國威毅公吳復燕
山忠愍侯孫興祖東序郢國公馮國用西海武莊
公耿再成濟國公丁德興蔡國忠毅公張德勝海
國襄毅公吳貞斬國武義公康茂才東海郡公苑

成羊二豕二兩廡各設牌一總書故指揮千百戶
衛所鎮撫之靈羊十豕以四孟歲暮遣駙馬都尉
致祭

仁宗洪熙元年三月命禮部以張玉朱能王真姚廣孝
配享文皇帝廟廷

後嘉靖九年八月諭輔臣曰廖道南嘗言姚廣孝釋
氏之徒不宜配享太廟下禮部同大學士等議當撤
去即移祀於大隆興寺每歲春秋遣太常寺致祭仍

命告於皇祖太宗以行

嘉靖十年三月詔太廟夏秋冬禘祭兩廡配享並如孟春儀以誠意伯劉基配享廟庭 十六年三月以榮國公郭英配享太廟更定位次

從刑部郎中李瑜議進誠意伯初二廟功臣位各以爵序及基配享位侯上次六王下嗣是禮部言祖宗列功臣位次皆序封爵首王次公侯次伯洪武功臣以徐達等自為序永樂功臣以張玉等自為序今基

列公侯之上似為不倫於是列英於桑世傑上張玉
朱能於沐英下基於世傑下

二十四年進諸配位於新太廟西壁罷分獻

萬厯十四年九月命祀配享諸臣仍於西廡分獻

太常卿裴應章言廟中列后在上異姓之臣禮當別
嫌且至尊拜伏於下諸臣之靈亦必不安命復改西
廡遣官分獻

功臣配享儀

洪武二年正月設青布幃六間於太廟廷中內設配

享功臣位

每位蓮豆各二實以栗牛脯葵菹鹿醢
簋簋各二實以黍稷稻粱羊豕體各一

遣

官分獻其分獻儀皇帝行亞獻禮將畢分獻官各詣

盥洗所盥手洗爵酌酒諸執事官皆酌酒於爵獻官

進詣功臣第一位前上香奠爵諸執事官各進爵於

各神位前讀祝官讀祝訖獻官復位八月定親王從

享以皇伯考壽春王等凡十九位東廡各設牌位四

向

已詳后妃
私親廟門

其配享功臣常遇春以下凡八位春孟

月於仁祖廟西廡秋孟月於德祖廟西廡各設位東

向

功臣位久用帛一白色羊豕各一邊
豆各二邊實棗栗豆實青蔬鹿醢

共用酒尊二

酒注二祝二其分獻禮初獻俟皇帝行初獻禮時獻

官各詣盥洗所盥手執事者奉帛立於酒尊所獻官

各進詣酒尊所司尊者奉冪酌酒執事者各以爵受

酒獻功臣立奠帛獻爵讀祝官取祝立讀訖獻官復

位亞獻候殿上斟酒兩廡執事者各於神位前斟酒

親王位獻官行再拜禮功臣位不拜終獻禮同八年

改黃布幃於殿左右左祀楊王皇兄徐王右祀功臣九年定親王侑享於東壁功臣侑享於西壁親王功臣皆不分獻

欽定續文獻通考卷八十四

欽定四庫全書

史部

欽定續文獻通考卷八十五

六十五

給事中_臣陳化龍覆勘

總校官內閣中書_臣孫溶

欽定四庫全書

欽定續文獻通考卷八十五

羣廟考

臣等謹按本館前

進

皇朝文獻通考稿本奉

上諭內宗廟考一門附入致祀歷代帝王及臣下家廟

體例不協當立羣廟門以隸之仰見我

皇上折衷義理至當至精迥非儒生之見所能揣測今
恭遵

聖意起自宋末迄于有明輯為續文獻通考羣廟考凡
祀歷代帝王賢臣諸侯宗廟大夫士庶家廟皆備
稽史志詳著于篇至于為太子立廟雖所謂哀骨
肉之深錫烝嘗之厚然一日未正宸樞則一日猶
為臣子馬端臨通考舊雜于私親廟中與情篤本
生之典並列殊為不合又自昔帝王加恩外戚從

未有立廟京師者有之自明太祖始揆之禮經實
無取爾馬書各目類無可附今于馬氏原目外復
析出太子廟增入外戚廟並載于諸侯宗廟之前
庶于名義無舛云

祀先代帝王賢臣

修陵墓

宋寧宗嘉泰三年正月幸武學謁武成廟

先是太祖建隆三年詔修武成王廟並檢閱唐末以
來謀臣名將勲績尤著者以聞四年四月帝幸廟歷

觀圖壁命去白起景德四年詔西京擇地建廟如東京制大中祥符元年加謚昭烈初建隆議升厯代功臣二十三人舊配享者退二十二人慶厯議自張良管仲而下依舊配享不用建隆升降之次宣和五年從禮部言釋奠日以張良配享殿上管仲孫武樂毅諸葛亮李勣並西向田穰苴范蠡韓信李靖郭子儀並東向東廡白起孫臏廉頗李牧曹參周勃李廣霍去病鄧禹馮異吳漢馬援皇甫嵩鄧艾張飛呂蒙陸抗杜

預陶侃慕容恪宇文憲韋孝寬楊素賀若弼李孝恭
蘇定方王孝傑王峻李光弼並西向西廡吳起田單
趙奢王翦彭越周亞夫衛青趙充國寇恂賈復耿弇
段穎張遼關羽周瑜陸遜羊祜王濬謝元王猛王鎮
惡斛律光王僧辯于謹吳明徹韓擒虎史萬歲尉遲
敬德裴行儉張仁亶郭元振李晟並東向凡七十二
人紹興七年五月太常博士黃積厚乞以仲春仲秋
上戊日行禮十一年五月國子監丞林保奏昭烈武

成王廟享以酒脯而不用牲牢雖曰時方多事禮用
綿絕然非所以右武而勵將士也乞今後上戊釋奠
用牲牢以管仲至郭子儀十人祀于殿上從之乾道
六年詔武成王廟升李晟于殿上降李勣于李晟位
次仍以曹彬從祀至是又謁廟焉

臣等謹按武成王廟祀古諸名將宜列賢臣門焉
考缺載今即寧宗謁廟特採禮志追補之以存一
代祀典又紹興十一年以管仲至郭子儀十人祀殿

上志作十八人誤也

四年四月立韓世忠廟于鎮江

賜廟額曰旌武時又賜台州滕膺廟額曰義靈

膺嘗
傑方

滕將呂師
囊者也

開禧中吳昉知荊門軍鍾相之黨攻城昉

闔室被害詔立廟于軍城南賜額英愍嘉定二年楊

震仲權知大安軍不從吳曦之叛飲藥死贈開奉大

夫諡節愍賜廟額曰旌忠十四年金人陷蘄州知州

李誠之及其家人官屬皆死之贈朝散大夫秘閣修

撰封正節侯賜廟額曰褒忠

臣等謹按王圻續通考載嘉定中賜三閭大夫屈原廟額曰昭靈又虹縣令舒煥奏朱買臣廟靈應之迹請加封號賜額曰靈祐附錄之

理宗寶慶二年十一月修祚德廟以嚴程嬰公孫杵臼之祀

北宋絳州有祚德廟高宗紹興十一年建于臨安

見馬

端臨考

後以侍御史林大鼎言詔封公爵秩中祀寧宗

慶元初益封至是復新其廟淳祐二年又升嬰為忠
濟王杵臼為忠祐王厥為忠利王且增闢廟貌益宏
整云

淳祐八年二月詔衡州修炎帝廟

荆湖帥臣陳鞏奏國家以火德王火德之祀合加欽
崇炎帝陵在衡州茶陵縣廟久弗治乞相度興修以
稱崇奉之意從之

九年正月詔以官田三百畝給表忠觀旌錢氏功德仍

禁樵採六月詔邊郡各立廟一賜額曰褒忠凡沒于王
事忠節顯著者並祠之守臣春秋致祭

先是紹定中建康都統吳從龍為元人所獲使至泰
州城下誘降終不屈死之詔廟祀揚泰二州四年十
一月詔忠義總管田遂力戰而歿贈武節大夫忠州
刺史加封立廟端平二年九月驍騎大將軍利州駐
劄御前諸軍統制曹友聞與元兵大戰于大安軍陽
平關兵敗死之詔贈龍圖閣學士大中大夫諡曰節

立廟曰褒忠十月詔殿前司將胡斌死邵武之寇贈
武節大夫因舊廟賜額曰忠勇宗室師櫓死尤溪之
戰贈武節郎立廟林嶺賜額曰愍忠淳祐六年十一
月詔元兵入蜀前四川制置使陳隆之闔家數百口
死節特贈徽猷閣待制賜諡立廟七年十一月詔茶
陵知縣事黃端卿為郴寇所害進官三秩立廟衡州
又賜知州周虎廟額曰忠烈開禧時虎守和州有却
敵保城功建廟祠之至是賜額八年四月詔淮東制

置司于泗州立廟祀夏皋及張忠田智濶父子賜額以旌忠節又荆湖制置使孟珙以荆襄死節之臣請建祠致祭詔賜額曰愍忠淮安副總管耿世安戍連水軍戰死詔立廟淮安賜額忠武又海州通判侯富與山東李松壽戰死詔即海州立廟賜額旌忠寶祐間建虞允文祠于江上賜額英烈開慶元年四月以段元鑑楊禮堅守城堡歿于王事詔各贈奉國將軍節度使封二字侯立廟賜額景定元年二月詔臨江

守臣陳元桂死節官五轉贈寶章閣待制立廟死所謚曰正
節五月詔贈呂文信寧遠軍承宣使立廟賜額二年
八月贈江淮大都督李璿檢校太師賜廟額曰顯忠

臣等謹按王圻續通考載淳祐時建嚴光祠於富
陽東觀山諸葛亮祠於武岡州附錄於此

度宗咸淳四年四月詔故修武節姚濟死節立廟賜額
忠壯八年以靜江節度使牛富死於樊城詔贈官謚
忠烈立廟建康九年二月詔鄂州左水軍統制張順

歿身戰陣贈寧遠軍承宣使立廟祀之賜額忠顯

時又以知汴州曹友聞與弟萬同禦兵於雞冠隘死
贈龍圖閣直學士謚忠節賜廟額曰褒忠遷居誠守
新城竭力禦元兵城陷自殺贈利州觀察使立廟死
所贈播州武翼大夫楊燦廟額曰忠烈武功大夫楊
忻廟額曰忠顯

十年十一月

恭帝已即位

贈趙文義清遠軍節度使與其兄

威武軍節度使文亮共立廟揚州賜額傳忠

德祐初知潭州向士璧禦元兵有功詔立廟祀之

臣等謹按王圻續通考載理宗景定二年追封張

憲為烈文侯立祠臨安東山街口墓所三年建永

慕廟於義烏孝子顏烏墓左恭帝德祐初賜襄陽

諸葛亮廟額曰英惠加號仁濟又賜武昌三公廟

額曰普應

三公者伍員
范蠡馬援也

賜孝感縣張汴廟額曰忠

烈

汴與張巡同
死睢陽之難

建周公廟於橫山賜額曰仁濟祀

吳周凱

凱嘗導三江注之海變旁邑
自為甘泉故漫而民感祀之

因并附錄

馬

遼聖宗統和十三年八月詔修先哲廟貌以時祀之

臣等謹按遼史所可見者僅如右考列傳統和十

六年以耶律休格留守南京禦宋有功命立祠祀
之道宗清寧間以耶律赫魯佐太祖創業有功詔
立祠於上京又以耶律烏哲調和太后定世宗之
位免穆宗於難有誅賊之功詔立祠祭享樹碑以
紀之壽隆五年以舊臣姚景行忠賢詔為立祠雖

馬端臨考所謂先代賢臣非即指本朝之先代姑
附錄之

金熙宗皇統四年十月遣使祭遼主陵

章宗明昌五年正月以頁嚕古紳始置女直文字詔立
廟上京歲時致祭

言者謂頁嚕古紳二賢創製女直文字乞各封贈名
爵建立祠廟令女直漢人諸生隨拜孔子之後拜之
有司謂頁嚕難以致祭若金源郡貞獻王古紳則既

已配享太廟亦難特立廟令再議之禮官言前世無
創製文字入孔子廟故事如于廟後或左右置祠令
諸儒就拜亦無害尚書省謂若如此恐不副國家厚
功臣之意遂詔令依蒼頡立廟于藍屋例官為立廟
于上京納爾琿莊委本路官一員與本千戶春秋致
祭所用諸物從宜給之

章宗泰和四年二月始祭三皇五帝四王三月詔定前
代帝王合致祭者

先是三年尚書省奏太常寺言開元禮祭帝嘗堯舜
禹湯文武漢祖祝版請御署開寶禮義軒顙頊帝署
陶唐女媧成湯文武請御署自漢高以下二十七帝
不署平章政事圖克坦鎡左丞完顏匡太常寺博士
溫特赫天興言方嶽之神各有所主有國所賴請御
署固宜至于前古帝王寥落杳茫列于中祀亦已厚
矣不須御署參知政事孫即康及賈鉉以為三皇五
帝禹湯文武皆垂世立教之君唐宋致祭皆御署而

今降祝版不署恐于禮未盡不若止從外路祭社稷
及釋奠文宣王例不降祝版而令學士院定撰祝文
頒各處為常制勅命依期降祝版而不請署至是定
制前代帝王三年一祭于仲春之月祭伏羲于陳州
神農于亳州軒轅于坊州少昊于兗州顓頊于開州
高辛于歸德府陶唐于平陽府虞舜夏禹成湯于河
中府周文王武王于京兆府又詔定前代合致祭者
從尚書省奏三皇五帝四王已行三年一祭之禮若

夏太康殷太甲太戊武丁周成王康王宣王漢高祖
文景武宣光武明帝章帝唐高祖文皇一十七君皆
致祭為宜

六年詔建昭烈武成王廟于闕廷之右麗澤門內

其制一遵唐舊禮三獻官以四品官以下儀同中祀
用二月上戊七年完顏匡等言我朝創業功臣禮宜
配祀于是以秦王宗翰同子房配武成王而降管仲
以下又躋楚王宗雄宗望宗弼等侍武成王坐韓信

而下降立于廡又黜王猛慕容恪等二十餘人而增

遼王賽音等

其祭武成王宗翰子房各羊一豕一餘共用羊八無豕

禮志曰宣宗遷汴于會朝門內闕廷之右營武成

王廟如制春秋上戊之祭如舊布薩思忠傳曰思

忠遷路王傳被詔與翰林侍讀學士張行簡討論

武成王廟配等列奏曰伏見武成王廟配享諸將

不以世代為先後按唐祀典李靖李勣居吳起樂

毅上聖朝太祖以二千之衆破百萬之師太宗克

宋成此帝業秦王宗翰宋王宗望羅索古紳與前
代之將各以功德間列可也

元世祖中統三年四月修河中禹廟賜名建極宮 至

元元年七月龍門禹廟成

命侍臣阿合
脫因代祀

五年九月建

堯廟 九年九月定祀典

山西通志王磐修堯廟記曰平陽府治之南堯帝
廟李唐顯慶三年所建歲遠漸就傾圯有真人姜
善信欲更擇爽塏重建廟貌請于朝帝嘉其意賜

銀二百錠仍敕有司下太原木場給官材二千根
皆辭不受勤力節用以身導衆一歲而廟成為地
七百畝為屋四百間經始于至元二年之春落成
于至元五年之八月詔賜其額曰光澤之宮殿曰
文思之殿門曰賓穆之門賜白金二百兩良田十
五頃為贍香火費仍詔詞臣製碑文以紀其成翰
林直講學士臣磐當屬詞

臣等謹按世祖紀中統四年六月建堯廟于平陽

仍賜田十五頃至是復出建廟之文先後之間頗
疑有誤及考王磐記乃知建廟賜田在至元五年
而修史者誤繫于前耳元史蕪雜不足徵信賴有
當時詞臣奉勅撰文勒石廟中鑿然可據庶訂其
繆紀又云善信前修禹廟數載功成今建堯祠三
年有效則河中禹廟疑亦善信所修且經營造作
非出官錢特得請于朝而身任其事耳若定祀典
時以中書吏部據各路申乞定奪合祭神宇支費

議准神農高辛以上聖帝明王及三代開國之主
皆以功及萬世澤被生民故歷代祀典禮未嘗廢
擬令所在官司三年一祭支鈔不過二十兩微子

歸德府

張良

彭城縣

以上忠臣義士係自古忠義直烈

儀型後世贊揚風化者所以激勵人臣使知景仰
令所在人民歲時致祭元典章所載如此

十二年二月立伏羲女媧舜湯等廟于河中解州洪洞
趙城十五年四月修會川縣盤古王祠祀之十二月

封伯夷為昭義清惠公叔齊為崇讓仁惠公 二十四
年閏二月勅春秋二仲上丙日祀帝堯廟

臣等謹按祭祀志舜帝廟河東山東濟南歷山濮
州湖南道州皆有之又阿勒台傳憲宗命阿勒台
為平濞路達嚕噶齊濞為孤竹故國乃廟祀伯夷
叔齊以勵風俗蓋其時尚未有封號也

成宗貞元初命郡國通祀三皇如宣聖釋奠禮

太皞伏羲氏以勾芒氏之神配炎帝神農氏以祝融

氏之神配軒轅黃帝氏以風后力牧之神配黃帝臣
俞跗以下十人姓名載于醫書者從祀兩廡有司歲
春秋二季行事而以醫師主之

王圻曰貞元間建三皇廟在明照坊內有三皇並
歷代名醫像東有神機堂內置銅人鍼灸圖二十
有四凡五臟旁注為溪谷所會各為小竅以導其
原委刻鍼灸經于石其碑之題篆則宋仁宗御書
元世祖至元間自汴移至此吳澄宜黃縣三皇廟

記曰醫有學學有廟廟以祀三皇肇自皇元前此
未有也

武宗至大二年正月詔三皇配位依文廟從祀禮

湖廣行省以祭享三皇配位勾芒等神服色坐次為
請禮部議三皇開天立極澤流萬世有國家者所當
崇祀自唐天寶以來配伏羲以勾芒配神農以祝融
配黃帝以風后力牧按禮記月令春三月其帝太皞
其神勾芒夏三月其帝炎帝其神祝融又史記稱黃

帝得風后力牧以治民其配享坐次宜東西相向以
勾芒祝融居左風后力牧居右若其相貌冠服年代
遠邈無從考證不可妄定當依古制以木為主書曰

勾芒氏之神

祝融以下
並如之

所謂十大名醫依文廟從祀

之例置兩廡如此尊卑先後之叙似為不素集賢翰
林太常禮儀院等官集議依禮部所擬行之

元典章曰延祐四年正月禮部議祭享三皇等祀
已准各路支給官錢祭祀緣今物價增貴原降錢

數不敷擬合酌量添給春秋二祭每祭諸路原降
中統鈔一錠散府上中下州原降中統鈔二十五
兩今俱倍增以供祀事

仁宗皇慶元年三月命河南省建故丞相阿珠祠堂
延祐三年四月敕衛輝昌平守臣修殷比干唐狄仁傑
祠歲時致祭 五年七月加封楚三閭大夫屈原為忠
節清烈公

先是大德十一年正月成宗崩時武宗為懷寧王總

兵北邊聞哀奔赴至衛經北干墓顧左右曰紂內荒
于邑毒痛四海比干諫劓其心遂失天下今祠比干
于墓為後世勸至是又申命之

英宗至治二年閏五月封諸葛忠武侯亮為威烈忠武
顯仁濟王

泰定帝泰定二年五月置諫議書院于昌平祀唐劉蕡
臣等謹按巉巉傳巉巉請褒贈唐劉蕡宋邵雍以
旌道德正直帝從其請為之下詔至順帝至正十

八年加封文節昌平侯其尊崇如此

致和元年詔舜禹廟依堯祠故事

從禮部移太常送博士議每歲春秋仲月上旬卜日
有司蠲潔致祭官給祭物

臣等謹按明宗紀是年四月封唐柳州刺史柳宗
元曰文惠昭靈公附記于此

文宗天歷元年十二月加謚唐司徒顏真卿為貞烈文
忠公令有司歲時致祭 二年六月命岐陽書院祀周

文憲王十二月加諡漢長沙王吳芮為長沙文惠王

文憲王廟在鳳翔府岐山之陽至是改為書院仍賜額設學官春秋釋奠如孔子廟儀

至順元年正月封秦蜀郡太守李冰為聖德廣裕英惠王三月命彰德路歲祭羗里周文王祠十月賜伯夷叔齊廟額曰聖清歲春秋祀以少牢

從太常奉禮郎薛元德請彰德路湯陰縣北故羗里城周文王祠命有司奉祀如故事

順帝至元三年正月封晉郭璞為靈應侯謚唐杜甫曰
文貞二月封晉周處為英義武惠正應王 五年四月
加封孝女曹娥為慧感靈孝昭順懿夫人 六年七月
詔封微子為仁靖公箕子為仁獻公加封比干為仁顯
忠烈公 至正十年九月命祭三皇如孔子禮遣中書
省臣代祀

初三皇廟歲祀以醫官行禮九年御史臺以江西湖
東道廉訪使文殊訥言三皇開天立極功被萬世京

師每歲春秋祀事命太醫官主祭揆禮未稱請如國
子學宣聖廟春秋釋奠遣中書省臣代祀一切儀禮
倣其制中書付禮部集禮官定議以聞制可于是命
太常定儀式工部範祭器江浙行省製雅樂器復命
太常博士定樂曲名翰林國史院撰樂章十有六曲
明年祭器樂器俱備以醫籍百四十有八戶充廟戶禮樂生
御藥院大使盧亨素習音律受命教樂工四十有二人各
執其技以九月九日歲祀宣徽供禮饌光祿供內醢

太府供金帛廣源庫供薌炬大興府尹供犧牲制幣
棗盛穀核中書奏擬三獻官以次定諸執事並以清
望充前一日內降御香三獻官以下公服備大樂儀
仗迎香置開天殿退習祭儀畢就廟齋宿京朝文武
百司與祭官如之翰林詞臣具祝文曰皇帝敬遣某
官某致祭

臣等謹按元祀三皇自元貞始雖郡縣通祀僅置
官主之禮有未備至是以文殊訥之請乃定禮儀

之隆埒于宣聖實一代創典也

祭儀

凡有司致祭先代聖君名臣皆有牲無樂具祭器不用簋豆簠簋儀非酌奠者有司便服行禮三上香奠酒而已

明洪武元年三月以太牢祀三皇

初仍元制以三月三日九月九日通祀三皇是年命以太牢祀二年命以勾芒祝融力牧風后左右配享

儀同釋奠四年帝以天下郡邑通祀三皇為瀆禮臣
議唐元宗嘗立三皇五帝廟于京師至元成宗時乃
立三皇廟于府州縣春秋通祀而以醫藥主之甚非
禮也帝曰三皇繼天立極開萬世教化之原汨于醫
師可乎自今天下郡縣毋得褻祀止命有司祭于陵
所

臣等謹按禮志洪武二年以勾芒祝融風后力牧
左右配俞跗桐君魃貸季少師雷公鬼臾區伯高

岐伯少俞高陽十大名醫從祀考實錄是年止以
勾芒四臣配無十大名醫從祀之文其時正配位
祭器牲幣皆有數而從祀之禮獨缺則非從祀于
是年也惟明集禮備載十醫以為因元之舊與實
錄異蓋帝尊崇三皇不欲濶于醫師是歲特釐正
之集禮所載乃初年未定之禮耳至永樂間別建
三皇廟十醫從祀以醫官主之以為萬世醫藥之
祖遂與歷代帝王並祀不廢矣

三年十二月遣使祭歷代帝王陵寢並加修葺

先是帝觀宋太祖詔修歷代陵寢歎曰此美事也是年五月遣使訪歷代帝王陵寢命所在省臣同詣審

視具圖以聞至是圖上凡七十有九禮官考其功德

昭著者

曰伏羲神農黃帝少昊顓頊唐堯虞舜夏禹商湯中宗高宗周文王武王成王康王漢高

祖文帝景帝武帝宣帝光武明帝章帝後魏文帝隋高祖唐高祖太宗憲宗宣宗周世宗宋太祖太宗真

宗仁宗孝宗理宗三十有六各製袞冕函香幣遣祕書監丞

陶誼等往修祀事親製祝文遣之每陵

以白金二十五兩

具

祭物陵寢發者掩之壞者完之廟燹者葺之無廟者

設壇以祭仍令有司禁樵採歲時祀

牲用太牢

四年禮部

復定議合祀帝王三十五在河南者十陳祀伏羲商

高宗孟津祀漢光武洛陽祀漢明帝章帝鄭祀周世

宗鞏祀宋太祖太宗真宗仁宗在山西者一滎河祀

商湯在山東二東平祀唐堯曲阜祀少昊在北平者

三內黃祀商中宗滑祀顓頊高辛在湖廣者二鄖祀

神農寧遠祀虞舜在浙江者二會稽祀夏禹宋孝宗

在陝西者十五中部祀黃帝咸陽祀周文王武王成
王康王宣王漢高祖景帝咸寧祀漢文帝興平祀漢武
帝長安祀漢宣帝三原祀唐高祖醴泉祀唐太宗蒲城祀
唐憲宗涇陽祀唐宣宗歲祭用春秋仲月朔

路用漢豆各
八刻二登一

簋豆各一俎一爵三
尊進一牲用太牢

于是遣使詣各陵致祭陵置一碑刊祭期及

牲帛之數俾所在有司守之既而命有司歲時修葺置陵戶
二人守視又每三年出祝文香帛傳制遣太常寺樂
舞生齋往所在命有司致祭其所祀者視前去周宣王

漢明帝章帝而增祀媯皇于趙城後魏文帝于富平
元世祖于順天及宋禮宗于會稽凡三十六帝後又
增祀隋高祖于扶風理宗仍罷祀又命帝王陵廟所
在官司以春秋仲月上旬擇日致祭

顧炎武曰知錄曰按帝王世紀文武葬于畢畢在
杜南晉書地道記亦云畢在杜南與畢陌別史記
周本紀正義引括地志文王武王墓在雍州萬年
縣西南二十八里畢原上此其在渭水之南杜縣

之中甚明而今乃祭于渭北咸陽縣之北十五里
蓋據顏師古劉向傳註畢陌在長安西北四十里

之誤

地道記已明言
與畢陌別矣

史記秦本紀集解引皇覽曰

秦武王冢在扶風安陵縣西北畢陌中大家是也
人以為周文王冢非也周文王冢在杜中又秦始
皇本紀末正義括地志云秦惠文王陵在雍州咸
陽縣西北十四里秦悼武王陵在雍州咸陽縣西
十里俗名周武王陵非也是昔人已辨之甚明今

祭周之文王武王而于秦惠文王悼武王之墓不亦誣乎

臣等謹按洪武實錄是年帝與侍講學士危素論宋元興替素因言元世祖至元間西僧嗣古妙高欲毀宋會稽諸陵時夏人楊輦真加為江南總攝助之遂發諸陵取其金寶以諸帝遺骨瘞于杭之故宮築浮屠其上以厭之又截理宗頂骨為西僧飲器天下莫不寒心帝歎息久之即命北平守將

吳勉訪索頂骨所在果得之西僧廬中既送至命
有司厝于京城之南六月紹興府以永穆陵圖來
獻遂勅葬于故陵云

四年四月詔立祠祀元御史大夫福壽

帝謂中書省曰福壽仗義守職保障其民以身殉國
可謂忠臣宜立祠令有司歲時致祭六年四月復勅
中書省議贈福壽官禮部言元已贈福壽浙江行省
左丞相上柱國追封衛國公諡忠肅事蹟封諡載在

祀典宜仍其舊足慰忠臣之心帝是之令春秋遣官致祭

臣等謹按實錄太祖吳元年十月敕禮官曰元右丞余闕守安慶屹然當南北之衝援絕力窮舉家皆死節義凜然江州總管李黼身守孤城力抗強敵臨難死義與闕同轍當建祠肖像歲時祀之令有司祀闕于安慶黼于江州孝宗弘治三年安慶知府徐傑言元總管韓建之以宗正郎中守安慶

盜來攻城大小百餘戰皆敗之城陷復完及余闕
來代併力殲盜後舉家被殺建之方卧疾罵賊不
屈賊執之而去不知所終精忠大節與闕相埒而
祀典獨闕請于闕祠內增置神主祔祭從之本紀
亦載其事今補錄焉

元史作
韓建誤

六年八月祀三皇及歷代帝王

帝納御史答祿與權之言命參考歷代帝王開基創
業有功生民者立廟以祀于是禮部尚書牛諒請京

師立廟祀三皇餘各就陵立廟歲時致祭帝以五帝
三王及漢唐宋創業之君俱宜于京師立廟致祭其
餘守成賢君令有司春秋祭于陵廟遂建歷代帝王
廟于欽天山之陽做太廟同堂異室之制為正殿五
間中一室三皇東一室五帝西一室夏禹商湯周文
王又東一室周武王漢光武唐太宗又西一室漢高
祖唐高祖宋太祖元世祖每歲春秋仲月上旬甲日
致祭已而以周文王終守臣服唐高祖由太宗得天

下並寢其祀增祀隋高祖十一月立元世祖廟于北
平七年令帝王廟皆塑袞冕坐像惟伏羲神農未有
衣裳之制不必加冕服二十一年罷祀隋高祖

孫承澤春明夢餘錄曰昔人議罷唐高祖而祀太
宗為非者謂溫大雅大唐創業起居注義旗之初
皆由帝指大郎二郎尚未軒輊及入關東討秦力
雖多然身係嗣膺何殊將帥禁門之舉不無遺議
焉而遽謂功盡彼出罷父祀子靈豈無知至于從

祀云者以臣事君耳中興諸君未聞俎豆而其臣儼然且仲虺列于見知甘盤稱為舊學梁公之伐遠過西平淮陰之寃有同武穆而舍彼取此義復何居也

七年八月躬祀歷代帝王廟 九年八月遣官省歷代帝王陵寢禁芻牧置守陵戶忠臣烈士祠有司以時葺治 二十一年二月以歷代名臣從祀帝廟

先是禮官擬歷代名臣風后等三十六人以進帝以

宋趙普負太祖不忠不可從祀元臣四傑木華黎為
首不可祀孫而去其祖可祀木華黎而罷安童既祀
伯顏則阿珠不必祀漢陳平馮異宋潘美皆節義兼
善始終可祀于是定風后力牧皋陶夔龍伯夷伯益
伊尹傳說周公旦召公奭太公望召虎方叔張良蕭
何曹參陳平周勃鄧禹馮異諸葛亮房元齡杜如晦
李靖郭子儀李晟曹彬潘美韓世忠岳飛張浚木華
黎博爾忽博爾珠赤老溫伯顏凡三十七人從祀于

東西廡為壇四

臣等謹按洪武實錄二十年帝先是以先代忠臣

如漢秣陵尉蔣忠烈侯子文晉成

志作咸誤

陽卞忠貞

公壺南唐劉忠肅王仁瞻宋濟陽曹武惠王彬等

歷代崇祀及元衛國忠肅公福壽皆嘗立祠以祭

而溷處閭巷祠宇卑陋弗稱神居詔徙建于雞鳴

山之陽至十月廟成命應天府官以四孟月及歲

除祭功臣之日致祭歲以為常又禮臣請如前代

故事立武學用武舉仍祀太公建昭烈武成王廟
帝以太公周臣不當王祀至建武學用武舉是析
文武為二途輕天下無全才矣甚無謂也遂命罷
廟祭去王號至是年從祀帝王廟焉

二十二年五月改建歷代帝王廟成

先是廟災詔改建至是廟成遣官致祭以奉安神主
告從禮部擬自後每歲以仲秋月遣官致祭

成宗永樂元年十月修殷比干祠墓 二年二月復建

軒轅廟于山西陽縣 六年二月祀宋文天祥于北京
太常博士劉履節奉命正祀典謂天祥忠于宋室燕
京乃其死節之所請祠祀命每歲春秋仲月遣順天
府尹致祭

臣等謹按明楊士奇重修祠記北京之有公祠洪
武六年前北平按察副使劉崧始建于教忠坊今
順天府學之右是年始命春秋致祭云

宣宗宣德十年四月

時英宗
已即位

命潮州府祀唐韓愈

英宗正統元年二月修商中宗廟七月修宋周敦頤程
顥司馬光朱熹祠墓

順天府推官徐郁言四事其一請修敦頤等祠墓復
其子孫徭役從之

六年十二月祀平江菰讓侯陳瑄于清江浦

初瑄為總兵官都漕運疏鑿清江浦等處設移風等
閘堅築堤防以畜水行舟立常盈倉積糧甚多及沒
民感其惠立祠祀于清江浦東至是事聞命有司春

秋致祭

景帝景泰元年閏正月建岳飛廟于湯陰

翰林院侍講徐理言臣以招募民壯至河南彰德府
道經湯陰縣周流社宋臣岳飛實生其地飛以應募
勤王大立戰功佐成中興之業理宜廟食矧今方將
奮揚神武復讐雪恥成中興之功如飛者宜令建立
廟宇春秋祭祀使將士知所激勸從之廟成賜額精
忠

憲宗成化元年五月復修殷比干墓

從汲縣知縣盧信言也其歲時祀典如初

孝宗弘治五年命修岳飛祖塋在湯陰者給人戶看視
十年賜平江恭讓侯陳瑄祠額曰恭讓

武宗正德三年四月遷成湯廟于湯原里

廟故在山西滎河縣北四十里潁河附湯陵陵為河
所齧而祠宇卑陋不稱太常卿喬宇以聞命改建于
今所

十一年三月立伏羲廟于秦州

秦州古成紀地從巡按御史馮時雍奏也

世宗嘉靖九年十二月初祀先聖先師于文華殿東室

初東室有釋像帝以其不經撤之乃祀皇師伏羲氏
神農氏軒轅氏帝師陶唐氏有虞氏王師夏禹王商
湯王周文王武王南向左先聖周公右先師孔子東
西向帝自為祭文行奉安神位禮輔臣禮卿及講官
俱命入拜每歲春秋開講前一日皇帝服皮弁四拜

行釋奠禮

用羹酒
果脯帛

每月朔望

具酒

服黃袍行禮間遣

輔臣及大臣代拜十六年移祀于永明後殿行禮如
初三十二年仍祀于文華殿東室隆慶初罷後仍于
文華殿東室行禮

禮志曰洪武初司業宋濂建議欲如建安熊氏之
說以伏羲為道統之宗神農黃帝堯舜禹湯文武
以次列焉秩祀天子之學則道統益尊太祖不從
至是世宗做其意行之

十年正月建歷代帝王廟二月祭于文華殿

中允廖道南請撤靈濟宮改建歷代帝王廟禮部以所在狹隘不稱乃建于阜城門內嗣以建廟未成躬

舉春祭正殿凡五壇丹陛東西名臣四壇將祭禮部

尚書李時言舊儀有賜福胙之文賜者自上而下之

義惟郊廟社稷宜用帝王止宜云答詔可次年夏廟

成名曰景德崇聖之殿

殿五室東西兩廡殿後祭器庫前為景德門門外神庫神

廚宰牲亭鐘樓街東西二坊曰景德街

八月帝親祭由中門入迎神受

福祚迭神各兩拜嗣後歲遣大臣一員行禮四員分
獻罷南京廟祭凡子午卯酉祭于陵寢之歲則停秋
祭二十四年以科臣陳裴言罷元世祖陵廟之祀及
從祀木華黎等復遷唐太宗與宋太祖同室凡十五
帝從祀名臣三十二人

十八年四月立堯母廟于慶都縣

從御史謝少南請也

臣等謹按世宗時營葬獻皇后親詣承天相度道

經慶都故少南為是以獻諛然堯母祠墓所在祀
典久缺固宜修舉者也

二十一年十二月重修太醫院三皇廟

廟在太醫院北名景惠殿永樂中建

前為景威門門東為神庫西為

神

至是詔重修仍釐正祀典正位伏羲神農黃帝以

勾芒祝融風后力牧配其從祀僦貸季天師岐伯伯
高鬼史區俞跗少俞少師桐君太乙雷公馬師皇十
人外復增伊尹扁鵲淳于意張機華佗王叔和皇甫

謚葛洪巢元方孫思邈韋慈藏王永錢乙朱肱劉完
素張元素李杲朱彥修十八人東廡饒貸季以下十
四人西廡華陀以下十四人

牲用太牢器
用蓬豆簋簋

歲以仲春

仲冬上甲日遣禮部堂上官行禮太醫院堂上官二
員分獻先是十五年建聖濟殿於文華殿後以祀先
醫歲遣太醫院正官行禮至是以景惠殿為正祀而
聖濟之祀並舉不廢

臣等謹按禮志載嘉靖間建三皇廟其實創始于

永樂時若東廡從祀十四人缺少俞乃書十三人
祭以仲春冬上甲日以冬為秋用太牢為少牢則
字之訛也茲據實錄會典春明夢餘錄正之

親祭帝王廟儀

先期太常寺預設牲醴香帛樂舞等如儀錦衣衛設
隨朝駕設皇帝拜位于殿中設御幄于景德門外之
左是日早免朝皇帝服常服御奉天門太常寺卿跪
奏請皇帝詣帝王廟祭歷代帝王皇帝乘輿由長安

右門出至廟門由中門入至幄次降輿具祭服出導
引官導皇帝由中門中道至拜位典儀唱樂舞生就
位執事官各司其事內贊奏就位皇帝就拜位典儀
唱迎神樂作樂止內贊奏搢圭上香皇帝三上香訖
奏出圭復位內贊奏兩拜興平身

傳贊陪
祀官同

典儀唱奠

帛行初獻禮樂作內贊奏詣神位前執事官各捧帛

爵跪進於各神位前樂暫止內贊贊讀祝奏跪

傳贊陪祀

司讀祀官取祀讀訖樂作內贊奏俯伏興平身

傳贊陪祀

樂止典儀唱行亞獻禮

儀同初獻
惟不讀祝

樂止典儀唱行

終獻禮

儀同
亞獻

樂止太常寺卿進立於壇東西向唱答

福昨內贊奏詣飲福位奏搢圭跪光祿寺卿以福酒
跪進於皇帝右內贊奏飲福酒訖光祿寺卿以福昨
跪進於皇帝右內贊奏受昨訖奏出圭俯伏興平身

奏復位內贊奏兩拜興平身

傳贊陪
祭官同

典儀唱徹饌樂

作執事官於各神位前徹饌訖樂止典儀唱送神樂

作內贊奏兩拜興平身

傳贊陪
祭官同

樂止典儀唱讀祝官

捧祝進帛官捧帛掌祭官捧饌各詣燎位樂作內贊
奏禮畢樂止導引官導皇帝入御幄易祭服升輦還
宮

臣等謹按明會典以上親祭儀係世宗嘉靖十一
年所定也先是洪武初帝王廟自伏羲至元世祖

凡十七帝為五室

每室供牛羊豕各一祝文一每
位蓮豆各十簋簋坐銅各一爵

各三帛各一白色共設酒尊五於殿
之西階又設酒尊三於殿之東階

先期致齋二

日先祭一日丞相常服省牲祭日皇帝服衮冕行

三獻禮二十一年令每歲郊祀附祭歷代帝王於
大祀殿遂停春祭仍以八月中旬擇日遣官祭於
本廟又定每三年遣祭各陵之歲則停廟祭成祖
遷都帝王廟遣南京太常寺官行禮

遣祭帝王廟儀

齋戒 前一日太常官宿於本司次日具本奏致齋

二日傳制遣官行禮

傳制儀見後

省牲

牛五羊五豕六鹿一兔八凡

正祭前一日獻官承制畢詣本壇省牲陳設 五室

十六位

今十五位每室犛一羊一豕一每位登一銅二蓮豆各十簋簋各二帛一共設酒尊三爵

四十八今四十五簋五於中東廡第一壇風后臯陶室東南西向祝文案一於西

龍伯益傳說召公奭召穆公虎張良曹參

羊一豕一銅九蓮豆

各四簋簋各一帛九酒蓋二十七鐏盤一簋一

第二壇周勃馮異房元齡李

靖李晟潘美岳飛木華黎博爾忽伯顏

今罷木華黎等三人羊豕

蓮豆蓋簋鐏盤簋俱同第一壇惟銅十帛十今俱七酒蓋三十今二十一為有異耳

西廡第一

壇力牧夔伯夷伊尹周公旦太公望方叔蕭何陳平

陳設與東廡第一壇同第二壇鄧禹諸葛亮杜如晦

郭子儀曹彬韓世忠張浚博爾珠赤老溫

今罷博爾珠等二人

陳設與東廡第二壇同 正祭 典儀唱樂舞生就

位執事官各司其事贊引引獻官至盥洗所贊搢笏

出笏引至拜位贊就位典儀唱迎神協律郎舉麾奏

樂樂止贊四拜

陪祭官同

典儀唱奠帛行初獻禮奏樂執

事各捧帛爵進於神位前贊引贊詣三皇神位前搢

笏執事官以帛進於獻官奠訖執事官以爵進於獻

官贊獻爵

凡

三出笏詣五帝神位前

儀同前爵五

詣三王神

位前

爵三

詣漢高祖光武唐太宗皇帝神位前

爵三

今唐太

宗於西室爵用二改稱詣

漢高祖光武皇帝神位前詣宋太祖元世祖神位前

爵二今罷元世祖而遷唐太宗爵仍二

改稱詣唐太宗宋太祖皇帝神位前出笏詣讀祝

所跪讀祝官取祝跪於獻官左讀畢進於神位前贊

俯伏興平身復位樂止典儀唱行亞獻禮奏樂執事

官各以爵獻於神位前樂止典儀唱行終獻禮

儀同亞獻

典儀唱飲福受胙贊詣飲福位跪搢笏執事官以爵

進飲福酒執事官以胙進受胙出笏俯伏興平身復

位贊兩拜典儀唱徹饌奏樂執事官各於神位前徹饌樂止典儀唱送神奏樂贊四拜平身樂止典儀唱讀祝官捧祝掌祭官捧帛饌各詣燎位樂止贊禮畢臣等謹按會典以上遣祭帝王廟儀定於洪武二十六年下遣祭儀亦係是年所定又每位設帛白帛色所謂禮神帛也

遣祭儀

凡遣官祭祀前一日陳設如常儀次日各官具朝服

於丹墀北向立皇帝御華蓋殿具皮弁服鐘聲止執
事官行一拜叩頭禮訖儀禮司跪奏請升殿樂作升
殿樂止捲簾鳴鞭訖唱排班班齊百官一拜叩頭畢
分東西立引禮引獻官詣拜位贊四拜平身傳制官
詣御前跪奏傳制俯伏興由東門東旁出至丹陛東

向立稱有制唱跪宣制

祭孔子則曰某年月日祭先
師孔子大成至聖文宣王祭

帝王則曰先聖歷代帝王命卿行禮嘉靖間更定祭
孔子制云祭至聖先師孔子每三年遣道士齋祝文
香帛詣所在陵寢致祭制曰某年月日祭先聖歷代
帝王遣爾等齋捧祝文香帛詣陵寢致祭命所在有

司行禮贊俯伏興樂作四拜樂止禮畢凡傳制遣官代

祀歷代帝王并孔子旗纛等廟皇帝前一日沐浴更衣處於齋宮次日還宮

禮志曰按祀典太祖時應天祀陳喬楊邦乂姚興王鉷成都祀李冰文翁張詠均州祀黃霸密縣祀

卓茂松江祀陸遜陸抗陸凱龍州祀李龍遷建

寧祀謝夷甫彭澤祀狄仁傑九江祀李黼

詳前

安

慶祀余闕韓建之

詳前

李宗可宣宗時高郵祀耿

遇德英宗時豫章祀韋丹許遜無錫祀張巡憲宗
時崖山祀張世傑陸秀夫孝宗時新會祀宋慈元
楊后延平祀羅從彥李侗建寧祀劉子翬烏撒祀
譚淵廬陵祀文天祥婺源祀朱熹都昌祀陳澔饒
州祀江萬里福州祀陳文龍興化祀陳瓚湖廣祀
李芾廣西祀馬慨武宗時真定祀顏杲卿顏真卿
韶州附祀張九齡子拯沂州祀諸葛亮蕭山祀游
酢羅從彥皆歷代名臣事蹟顯著守臣題請禮官

議覆事載實錄年月可稽至若有明一代之臣抗
美前史者或以功勲或以學行或以直節或以死
事臚於志乘刻於碑版非一而足其大者鄱陽湖

忠臣祠祀丁普郎等三十五人南昌忠臣祠祀趙

德勝等十四人

俱詳附配
享案中

太平忠臣廟祀花雲王

鼎許瑗金華忠臣祠祀胡大海皆太祖自定其典

其後通州祀常遇春山海關祀徐達蘇州祀夏原

吉周忱淮安祀陳瑄

詳前

海州祀衛青徐安生甘州

祀毛忠榆林祀余子俊杭州祀于謙

詳前

蕭山祀魏

驥汀州祀王得仁廣州祀楊信民毛吉雲南祀沐

英沐晟貴州祀顧成廬陵祀劉球李時勉廣信祀

鄧顯寶慶祀賀隆興上杭祀伍驥丁泉慶遠祀葉

禎雲南祀王禕吳雲青田祀劉基平陽祀薛瑄杭

州祀鄒濟徐善述金華祀章懋皆衆著耳目炳然

可考云

臣等謹按有明秩祀前代及本朝名臣見於禮志

甚詳其未備者洪武十八年八月祀姜嫄公劉於

邠州又北直隸良鄉世忠祠

祀河間忠武王張王定興忠烈王張輔寧

陽王張懋拊

開州忠烈廟

祀元死事臣郭嘉

容城劉靜修祠

祀元

儒劉因

永平夷齊祠

成化九年賜額清節

韓昌黎祠

河南孟縣亦有祠

古北口威靈廟

祀宋楊業

薊州參將趙傾葵祠

嘉靖間北遼死

事以千總指揮褚文明等六人配享時死事者多立祠死所不悉載

南直隸鎮江焦

先祠常州泰伯祠

蘇州亦有祠

吳季子祠

洪武初賜額嘉賢

陳

司徒廟

祀隋陳果仁

江陰陳烈士廟

宋人名臣

蘇州吳公祠

祀言偃天順元年以左
副都御史吳納從祀
伍子胥廟 杭州亦
范文正

公祠

陝西慶陽亦有祠

韓蘄王廟魏了翁祠顧侍郎祠

祀

野吳江三高祠崇明知縣唐一岑祠

倭寇死事嘉靖間立祠祀

之同時死事者多立祠不悉載

徽州廣惠廟

祀隋汪華

寧國義烈廟

祀

赤心將劉妻

褒烈廟

祀宋宣州守李光

池州西祠

祀梁昭明太子統

貴

池文節祠

祀宋通判趙昂管

揚州旌忠廟

祀宋死事臣王方魏全

山

西二忠祠

嘉靖間死事都指揮周宇丁璋

張世忠廟

以提督死事嘉靖間立廟

以百戶張宣張臣從祀

汾州狄武襄廟

祀宋狄青

長子崔令祠

祀唐

崔元靖

山東泰安孫明復祠

石守道配享

兗州黃石公祠

河南新鄭子產廟
裴澤紀信廟

四川順慶府亦有廟

歸德協

忠廟

祀唐張巡許遠以雷萬春南霽雲姚閻賈育配享

二程祠

博野亦有祠

衛

輝三仁廟
裕州張釋之祠
陝西岐山周公廟
鳳翔

范仲淹祠
鄆縣張載祠

河南亦有祠

藍田呂大忠大臨

大均祠
乾州渾瑊廟
寧夏憫忠祠

嘉靖間祀死事都督姜漢

浙

江杭州靈衛廟

祀宋錢瑋令朱蹕暨金勝祝威二將

紹興孝女廟

祀漢

曹娥以宋朱娥配享
仁和褚公廟

祀唐褚良

山陰愍孝廟

祀宋孝子

蕭山劉侯廟

祀漢劉龍

金華正學祠

祀宋儒何基王柏元儒金履祥

溫州忠惠廟

祀宋死事徐震

忠烈廟

祀宋教授劉士英

忠惠廟

祀宋死事張理

樂清忠烈侯廟

祀唐死事田居邨

嘉興陸宣公祠

海寧許侯廟

祀唐許遠

桐廬嚴光祠衢州趙抃祠江西

南昌旌忠祠

祀巡撫副都御史孫越副使許遠

萍鄉甘侯廟

祀管豫章

太守廬陵忠節祠

祀宋歐陽修楊邦乂胡銓周必大楊萬里文天祥及明劉球李

時左貴溪陸九韶九齡九淵祠泰和楊士奇祠德

化周濂溪祠

道州亦有祠

廣信張叔夜祠

景泰中以死節永豐知縣

鄧顯

永新譚節婦祠

祀宋宗室女弘治十三年賜額貞烈

崇仁吳與

弼祠湖廣武昌昭勇廟

祀吳甘字

沅州英顯廟

祀唐刺史林公

湘陰黃陵廟

祀舜二妃

屈原廟岳州謝晦廟澧州彭思

王廟

祀唐刺史李元則

沔陽馬侯廟

祀漢馬援

諸葛武侯祠

陝西

雲南俱有祠

龍陽潘將軍廟

祀吳潘濬

張將軍廟

祀漢張飛

龍溪

陳北溪祠

祀宋儒陳淳

應山吳雲祠

洪武初湖廣行省參知政事以招諭

梁王阮節

四川成都漢先主廟

以諸葛亮配享

合州鄉賢祠

舊有

祠後增祀宋守臣王堅及安撫使張珏

潼州旌忠廟

祀南唐節度使夏魯琦

夔

州宋濂祠福建福州常袞廟建安朱子祠

以黃幹劉煥蔡

沈真德秀配享

將樂道南祠

祀宋楊時延平亦有祠以羅從彦李侗配享

延平

咸寧廟

祀五代閩將劉瓊

顯惠廟

祀隋汀州刺史穆肅

旌福廟

祀宋將樂

令陳摠

尤溪忠顯廟

祀宋烈士余望

忠愍廟

祀宋趙師攢

福陽熊

去非祠

祀宋儒熊禾

汀州漁滄廟

祀唐樊令

邵武李綱祠廣

東南海忠義祠

洪武初祀南海民闕敏

韶州張文獻祠

祀唐張九

齡以唐刺史鄧文進配享

余襄公祠

祀宋余靖

潮州韓愈廟肇慶包

孝肅祠電白高涼夫人廟

祀陳高州太守馮寶妻洗氏

廣州陶

成祠

成官浙江按察司副使以子湖廣左布政使魯配享

廣西南寧三公祠

祀宋狄青孫沔余靖後以邑守蘇軾推官譚必配享

貴州貴陽南霽雲祠雲

南瞻思丁祠

元雲南行省平章政事

賽典赤祠又祀傅友德

金朝與梅思祖為報功祠以上諸祠廟俱見實錄

會典特為類載以備參考又會典載凡靖難革除

間被罪諸臣隆慶六年建表忠祠于南京祀文臣

方孝孺等七十四人武臣徐輝祖等十七人附祀

顏有為廖鏞等五十八人內人二人諸忠臣妻女

咸附焉并令各地方官查其生長鄉邑或特為建
祠或即附本處名宦忠節祠歲時以禮致祭凡各
處鄉賢名宦祠萬厯二年令各撫按官查勘釐正
有不應入祠者即行革黜故有明一代祠祀屢經
論定無濫歆俎豆者頗稱彬彬焉

欽定續文獻通考卷八十五

欽定四庫全書

欽定續文獻通考卷八十六

羣廟考

太子廟 外戚廟 諸侯宗廟 大夫士庶家廟

金世宗大定二十五年九月臨奠宣孝太子於熙春園

建廟殿

皇太子允恭諡宣孝既塋帝欲加以帝號問羣臣翰林修撰趙可對曰唐高宗追諡太子弘為孝敬皇帝

左丞張汝弼曰此蓋出於武后遂止至是有司奏依
唐典故太子置廟設官屬奉祀擬於法物庫東建殿
三間南垣及外垣皆一屋三門東西垣各一屋一門
門設九戟齋房神厨度地之宜又命太子廟既安神
主宜別建影殿有司定擬制度於見建廟稍西中間
限以磚墉內建影殿三間南面一屋三門垣周以甃
無闕角及東西門外垣正南建三門一屋左右翼廊
二十間神厨齋室各二屋三間十月廟成

宣宗興定元年二月議置莊獻太子廟宣孝太子廟奉
安及祭儀

大定二十五年十月奉安神主及畫像主用衆依唐
制諸侯用一尺刻謚於背省部遣官於本廟西南隅
面北設幄次監視製造行禮前一日製造訖其日晚
奉神主官奉承以箱覆以帕捧詣題神主幄中次日
丑前五刻題神主官與典儀並禮官詣幄次前題神
主官詣壘位盥手帨手訖奉神主官先以香湯奉沐

拭以羅巾題神主官就褥位題謚號於背云宣孝太子神主墨書用光漆摸訖授奉神主官承以箱覆以緋紅羅帕籍以素羅帕詣座置於匱乃下簾帷侍衛如式俟典儀俛伏跪請備腰輿繳扇詣神位導引侍衛皆減昭德廟儀其祭儀有司言當隨祖廟四時祭享初獻或皇孫皇族亞獻或皇族或五品以下差樂用登歌今量減用二十五人其接神奏無射宮升降徹豆則歌夾鍾牲羊豕各一邊豆各八簋簋各二登鉶

各一及其餘祭食亦量減之二十六年十一月奏神
主廟牲牢樂縣官給影廟皇孫奉祀

元世祖至元二十五年立明孝太子廟

臣等謹按元史祭祀志明孝太子以至元二十二
年薨二十五年廟成冬享制送白馬一三十年十
月遂祔於太廟

至順二年三月繪皇太子真容奉安慶壽寺之東鹿頂
祀之如累朝神御殿五月造祭器如裕宗故事

臣等謹按元史文宗紀至順元年十二月立燕王
刺特納達喇為皇太子未幾薨乃二年三月以前
不載其薨日祇於繪皇太子真容後云鞠宦者拜
珠侍皇太子疹疾飲食不時進以酥拭其眼鼻又
為禳咒杖一百七斤出京城疑太子以疹疾薨於
是月故有鞠治宦者事而史臣疎漏如此

明成祖永樂二年三月封敏惠王允熙奉懿文太子祀

世宗嘉靖十二年奉宸冲

皇太子
諡也

太子神主於享殿

右太子廟

明太祖洪武二年五月詔追封皇外祖考妣及外舅姑
并建廟

詔建廟於太廟之東以時奉祀先期祭告太廟然後
行禮封陳公為楊王王氏為楊王夫人祝文稱外孫
皇帝后父馬公為徐王鄭氏為徐王夫人祝文稱孝
女皇后馬氏明年三月聞楊王墓在盱眙命內臣往
祭置守塋戶四年正月詔工部改建皇外祖考楊王

廟於盱眙縣墓所皇外舅徐王廟於宿州墓所五月
奉安神主於各新廟俱祀以太牢仍製王冠服衮冕
王夫人冠服與幣帛焚之令每歲春秋祀事所在有
司行禮八年四月遣曹國公李文忠祭外祖楊王之
墓十六年四月諭常祭楊王用羊豕各一春二月秋
八月乃用太牢十八年正月建徐王享堂於宿州之
閔子鄉

三年二月追封郭子興滁陽王詔有司建廟

祀以中牢復其隣宥氏世世守王墓十六年帝手書
王事蹟命太常丞張來儀文其碑

臣等謹按馬后雖馬公女然撫於郭子興家亦郭
氏女也厥後子興所生女復為太祖妃其無後與
徐王同帝追念舊德崇報私親均為馬后外屬故
附記於此

成祖永樂十四年車駕幸夾溝親祀徐王墳十五年
四月再祀徐王墳以鎮撫武勳為徐州指揮僉事守王

墳十八年九月命造徐王祭罷

臣等謹按長陵每自稱曰朕高皇后第四子也然
奉先廟制高后南向諸妃盡東列惟碩妃一人列
於西序具載南京太常寺志蓋長陵究非高后所
生世疑此事不實及誦沈元華敬禮南都奉先殿
祀事十四韻詩有云高后配在天御幄神所棲衆
妃位東序一妃獨在西成祖重所生嬪德莫敢齊
一見異千聞實錄安可稽作詩述典故不以後人

迷此詞臣朱彛尊明詩綜所載與正史不合錄以

備考

孝宗弘治三年八月封孝穆皇太后父為慶元伯母慶元伯夫人建祠於桂林府春秋致祭

時禮臣覆議孝穆皇太后宗親遠在粵西當大征之後兵燹饑荒人民奔竄歲月悠遠往事已無踪跡求之恐愈久愈鑿請做高皇帝即宿州為高皇后父徐王立廟事例為孝穆皇太后父母定擬封號立祠於

廣西附郭地方春秋遣布政司官致祭帝曰皇祖既有故事朕又奚能違其悉如所議

右外戚廟

宋理宗景定三年正月詔丞相賈似道賜家廟

時賜似道第宅於集芳園給緡錢百萬就建家廟命臨安守漕營度禮官討論賜祭器並如儀

元英宗至治初右丞相拜珠立五廟同堂異室牲器儀

式未聞

臣等謹按列傳拜珠穆呼哩之後安圖之孫也英宗即位由太常禮儀院使拜中書平章政事至治二年進右丞相勸帝親享太廟及議行祫禘配享等禮時拜珠講求掌故力舉廢典三年二月帝為拜珠營第則家廟之建當在此時自請於朝而立者然本傳不載他無可證為據祭祀志紀之

又按刑法志諸家廟春秋祭祀輒用公服行禮者禁之王圻續通考又載至治二年三月建故太師

魯公穆呼哩祠堂於東平附錄之

順帝至元六年十月立曹南王阿嚙罕淮安王巴延河
南王阿珠祠堂

臣等謹按帝紀武宗至大四年二月立淮安忠武
王巴延祠於杭州仍給田以供祀事仁宗延祐五
年二月勅杭州守臣春秋致祭英宗至治二年十
二月賜祭田二十頃祭祀志載春秋二仲月次戊
祠以少牢用籩豆簋簠行酌獻禮報功之典已備

則至元六年所立乃家廟也考漢書張安世傳將
作穿復土起冢祠堂祠堂之名肇於前漢司馬光
作文彥博先廟碑記謂漢世公卿貴人多建祠堂
於墓所以為私廟之證則祠堂之為家廟也明甚
又仁宗皇慶元年三月建阿珠祠堂英宗至治二
年三月建穆呼哩祠堂兩人與阿嚙罕平宋元勲
並立私廟以示優異傳紀者連類並書未必一時
也

明太祖洪武九年正月定王國宗廟制

成祖永樂八年十月以周王橐棣於國中作殿享太祖
賜書訓飭之十二月建秦愍王享堂

賜櫛棣書禮支子不祭王國廟祭肇於始封之王高
皇帝之祀朝廷自有專廟王祀於國中過矣孔子曰
祭之以禮不得為而為之不可為孝王其審禮而行

毋貽物議冬建秦愍王享堂命視晉恭王之制

加高深一

尺廣乃定為享堂七間

門外門各三間神厨五間神
庫如之東西廂及牢牲房各

三間焚帛亭祭冠亭碑亭各一團
牆之外為奉祠等房十有三間

宣宗宣德四年二月留郢靖王官屬奉郢王祀九月令
建晉王家廟於平陽奉恭王祀

郢靖王無嗣帝念祭祀不可廢留內官內使及奉祠

各一人
校尉五十

在國專供歲時之祀又以晉恭王長

子濟熿廢為庶人洪熙時復王號帝即位稱伯王王
子濟熿削爵晉國廢濟熿請歸太原奉恭王祀帝報
書令作家廟奉祀事

世宗嘉靖四年六月命弋陽王拱橫以郡王奉獻惠二王祀事

弋陽王上言臣祖獻王惠王四服子孫所共祀非宸濠一人所自出如臣等皆得甄別守職業如故而二祖不獲廟享臣竊痛之疏三上帝命弋陽王以郡王

奉祀

樂舞齊郎之屬皆半給之

王國宗廟儀

洪武初禮臣陶凱等議定王國宮垣內左宗廟

廟制殿五

開寢殿如是後又定廟制許立五廟二昭二穆與始

祖之廟為五以始封之王為始祖

如靖江王國則以南昌王為始祖是

也四時之祭皆用王者禮樂祭用冕服文武百官祭

服陪祭

祭器蓬豆八簋簋各二牲用少牢樂生三十六鐘磬各一瑟二琴八壎篪簫笛各二笙四

祝敎各一搏拊二歌工八舞生七十二文舞三十六人各執羽籥武舞如文舞之數各執干戚中各以二

人為及嘉靖三十五年十二月禮部言今造靖江王

府祭祀樂器視親王宜有降殺然舞佾諸侯亦不可

減其琴瑟及歌工請殺以兩從之

親王祔祔禮

世宗嘉靖八年四月代府管府事秦順王充耀奏稱臣考懿王當祔廟而代自始封簡王至思王已盈五廟之數請定制下部議謂當推京師太廟祔祔之禮而降殺之代府當以始封簡王居中百世不遷次戾王隱王惠王思王為五世今懿王入祔則戾王以親盡當祔但諸侯無祔廟當祔祔入簡王之室置櫃藏隱惠思三王以次上遷而懿王神主升祔於第五廟

每歲暮則出桃主行合祭之禮庶隆殺得宜詔如議

右王國宗廟

太祖洪武六年閏十一月詔定品官家用祭服

諭禮臣曰古人士大夫祭宗廟亦有祭服其見私親尊長亦必公服其議制度等殺以聞於是定議品官之家私見尊長而用朝君公服於理未安宜別製梁冠絳衣絳裳革帶大帶白韞烏烏佩綬其衣裳去緣襖三品以上用佩綬三品以下不用其祭服三品以

上去方心曲領三品以下並去佩綬從之仍令如式
製祭服賜公侯各一襲以為祭家廟之用

成祖永樂三年遣官祭中山王徐達於大功坊之家廟
憲宗成化十一年定臣庶祠堂左昭右穆之制

祭酒周洪謨言臣庶祠堂神主俱自西而東古無神
道尚右之說惟我太祖廟制合先王左昭右穆之議
宜令一品至九品皆立一廟以高卑廣狹為殺神主
則高祖居左曾祖居右祖居次左考居次右帝下禮

臣參酌更定之

世宗嘉靖十五年定品官廟室

禮部尚書夏言言按三代有五廟三廟二廟一廟之制者以其有諸侯卿大夫上中下之爵也後世官職既殊無世封爵采邑豈宜過泥於古至宋儒程頤乃始約而歸於四世公卿以及士庶莫不皆然謂五服之制皆至高祖則祭亦當如之今定官自三品以上

立五廟以下皆四廟

為五廟者亦如唐制五間九架厦旁隔板為五室中祔五世祖

旁四室附高曾祖禰為四廟者三間七
架中一室附高曾左右二室附祖禰

若當祀始祖

則如朱熹所云臨祭時作紙牌祭訖焚之其三品以上者至世數窮盡則以今日之得立廟者為世世奉祀之祖而不遷焉四品以下則四世遞遷而已

公侯以下家廟禮儀

明初羣臣家廟未有定制權倣朱子祠堂之制奉高曾祖禰四世神主以四仲之月祭之加臘月忌日之祭與歲時俗節之薦享其庶人得奉祖父母父母之

祀已著為令至時享於寢之禮畧同品官祠堂之制

堂三間兩階三級東曰阼階西曰西階下隨地廣狹以屋覆之令可容衣眾叙立中外為兩門堂設四龕

龕置一桌高祖居西曾祖祖父以次而東藏主積中兩壁立櫃西藏遺書衣物東藏祭器立神厨於其東

緣以周垣別為外門旁親無後者以其班附

庶人無祠堂以二代神主置

居室中間無積洪武六年命禮官議凡公侯品官別

為祠堂三間於所居之東以祀高曾祖考並祔位如

祠堂未備奉主於中堂享祭

二品以上羊一豕一五品以上羊一以下豕一

皆分四體熟而薦之不能具牲者設饌享之所用器皿隨官品第稱家有無

祭之前二日

主祭者聞於上免朝參凡祭擇四仲月吉日或春秋
分冬夏至前期一日主祭者致齋執事者灑掃祭所
陳設儀物親監宰牲至晚主婦監造饌祭是夕主祭
以下沐浴更衣宿於外舍祭日質明率預祭諸親主
婦率預祭衆婦詣祭所實蔬菓酒饌於器主祭者盥
悅訖詣祠堂親捧正祔神主之櫝各置於盤令親子
弟捧至祭所主祭者開櫝捧各祖考神主主婦開櫝
捧各祖妣神主以序安奉於位子弟捧祔食神主置

於東西壁邊執事者進饌讀祝者一人就位贊禮以

子弟親族為之陳設神位訖各就位

主祭在東向執諸兄立於其前

贊拜主祭主婦

贊拜主祭主婦

以下皆再拜主祭者詣香案前跪三上香獻酒奠酒

於高祖祖妣前由曾祖下皆如之執事酌於祔位前

讀祝跪讀訖贊拜主祭者復位與主婦皆再拜亞獻

終獻並如之惟不讀祝每獻執事者於祔位更酌酒

獻畢贊拜主祭主婦以下復再拜焚祝並紙錢於中

庭禮畢主祭者安神主於櫝如初是日設筵享祭饌
男女異席餘胙分諸親友及下執事

右大夫士庶家廟

臣等謹按馬端臨通考諸侯大夫士庶廟制訖於
宋寧宗嘉定十四年今考歷代正史宋尚有一事
而遼金兩朝俱闕焉元則有大臣家廟而士庶無
考明則大夫士庶外更有王國宗廟是亦諸侯類
也今並詳之

欽定四庫全書

四

欽定續文獻通考

欽定續文獻通考卷八十六